



SLUŽBENE NOVINE OPĆINE KAKANJ

IZDAVAČ: Općina Kakanj GODINA XIV	Broj 5/2010 Datum: 02.07.2010 Odluke: 63 – 85	GRAFIČKA PRIPREMA I ŠTAMPA: STRUČNA SLUŽBA ZA POSLOVE OPĆINSKOG VIJEĆA
--	--	--

63.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 95/10

Kakanj, 31.05.2010.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06), člana 24. Statuta Općine Kakanj („Službene novine Općine Kakanj“, broj: 4/08) i tačke IV Odluke o prihvatanju Programa prijateljskog okruženja sa JP „Elektroprivreda BiH“ Sarajevo („Službene novine Općine Kakanj“, broj: 1/10), Općinsko vijeće, na 20. sjednici održanoj 31.05.2010.godine, donijelo je

ODLUKU

**o prioritetnim programima i projektima
mjesnih zajednica iz okruženja
Termoelektrane „Kakanj“**

Član 1.

Ovom Odlukom, utvrđuju se prioritetni programi i projekti izgradnje infrastrukturnih objekata mjesnih zajednica općine Kakanj iz okruženja Termoelektrane „Kakanj“.

Utvrđeni infrastrukturni objekti u mjesnim zajednicama će se finansirati sredstvima JP „Elektroprivreda BiH“ Sarajevo u okvirnom iznosu od

3.000.000,00 KM a prema prihvaćenom Programu prijateljskog okruženja sa Općinom Kakanj u sklopu prethodnih i pripremnih aktivnosti izgradnje „Bloka 8“.

Član 2.

U okviru implementacije Programa prijateljskog okruženja i izgradnje infrastrukturnih objekata iz sredstava JP „Elektroprivreda BiH“, opredjeljena sredstva iz člana 1. raspoređuju se na sljedeće mjesne zajednice:

1. Mjesna zajednica PAPRATNICA
500.000,00 KM
2. Mjesna zajednica TERMOELEKTRANA
500.000,00 KM
3. Mjesna zajednica ČATIĆI
700.000,00 KM
4. Mjesna zajednica SLAPNICA
700.000,00 KM
5. Mjesna zajednica DOBOJ
400.000,00 KM
6. Rekonstrukcija grijanja - MZ ČATIĆI I
SLAPNICA 100.000,00 KM
7. Zamjena azbest – cementnih cijevi – MZ
PAPRATNICA 100.000,00 KM

Ukupno 3.000.000,00 KM

Član 3.

Na području Mjesne zajednice Papratnica realizovat će se sljedeći programi i projekti komunalne infrastrukture a u skladu sa opredjeljenim sredstvima iz člana 2:

1. Izgradnja toplifikacije prema projektnoj dokumentaciji u podružnici Donja Papratnica
2. Asfaltiranje puta po projektnoj dokumentaciji, prema podružnici Javor (od kraja asfaltnog puta podružnice Javor do početka asfalta u podružnici Donja Papratnica, u dužini od jednog (1) kilometra).
3. Asfaltiranje puta prema projektnoj dokumentaciji, u naselju Ravan (podružnica Donja Papratnica, u dužini od šest (6) stotina metara).

Član 4.

Na području Mjesne zajednice Termoelektrana realizovat će se sljedeći programi i projekti komunalne infrastrukture a u skladu sa opredjeljenim sredstvima iz člana 2:

1. Izrada projektne dokumentacije i izgradnja vrelovoda sa toplotnim podstanicama u MZ Termoelektrana.

Član 5.

Na području Mjesne zajednice Čatići realizovat će se sljedeći programi i projekti komunalne infrastrukture a u skladu sa opredjeljenim sredstvima iz člana 2:

1. Asfaltiranje puteva u selima Hrasno i Vehabi
2. Rekonstrukcija rasvjete u selu Hrasno
3. Asfaltiranje puta u selu Usijel
4. Izgradnja septičke jame u selu Usijel
5. Izgradnja kanalizacije i septičke jame u selu Hrasno
6. Asfaltiranje i rekonstrukcija puta od poligona „Ćerad“
7. Izgradnja Eko-parka „Luka“ u Čatićima
8. Izgradnja doma u selu Čatići
9. Sportski poligon u Čatićima
10. Sanacija ostalih puteva u selu Čatići

Član 6.

Na području Mjesne zajednice Slapnica realizovat će se sljedeći programi i projekti komunalne infrastrukture a u skladu sa opredjeljenim sredstvima iz člana 2:

1. Projekti MZ Slapnica.

Član 7.

Na području Mjesne zajednice DOBOJ realizovat će se sljedeći programi i projekti komunalne infrastrukture a u skladu sa opredjeljenim sredstvima iz člana 2:

1. Otkup zemljišta i uređenje parking prostora za ambulantu i Društvene prostorije u Doboju
2. Izgradnja podstanice za daljinsko grijanje „ Studenac“ i toplifikacija ovog dijela naselja (urađen projekat)
3. Dovršetak izgradnje kanalizacione mreže „ Stambene zgrade“ (urađen projekat)
4. Izrada projektne dokumentacije i realizacija toplifikacije za ulicu Vinski put
5. Rješavanje odvodnje oborinskih voda puta za Hrasnice
6. Uređenje okoline O.Š. „15. april“ (trotoari i parkinzi)
7. Izrada projektne dokumentacije za sanaciju stare Osnovne škole
8. Izrada projektne dokumentacije za izgradnju i sanaciju saobraćajnica u svim podružnicama MZ Doboju.

Član 8.

Za nosioce izrade projektne dokumentacije infrastrukturnih objekata od nivoa idejnog do izvedbenog projekta i konačnog završetka radova u nivou odobrenih sredstava iz ove tranše novčanih podrški, uključujući i troškove imovinskopravnih odnosa sa naknadama, reviziju projekata i nadzor nad

radovima, određuju se mjesne zajednice i Općina Kakanj.

Član 9.

Implementacija Programa prijateljskog okruženja i realizacije prioriternih programa i projekata se utvrđuje u periodu od 2010. do 2011. godine.

Član 10.

Posebnim Sporazumom zaključenim između Općine Kakanj i JP "Elektroprivreda BiH" će se definisati dinamika, rokovi i način realizacije prioriternih programa i projekata utvrđenih ovom Odlukom. Usvajanjem ove Odluke ovlašćuje se Općinski načelnik za potpisivanje Sporazuma i Ugovora između Općine Kakanj i JP „ Elektroprivreda BiH“ a na osnovu ove Odluke.

Član 11.

Obavezuje se JP „Elektroprivreda BiH“ da će nastaviti ulaganja u nastavak radova na započetim projektima u narednim godinama do puštanja „Bloka 8“ u pogon.

Član 12.

Ova Odluka stupa na snagu danom donošenja, a naknadno će se objaviti u «Službenim novinama Općine Kakanj».

PREDSJEDAVALAČI OPĆINSKOG VIJEĆA

Ivica Petrović, s.r

64.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-100 /10

Kakanj, 31.05.2010. godine

Općinsko vijeće na svojoj 20. sjednici, održanoj dana 31.05.2010.godine, u postupku izmjene Regulacionog plana „Centar“ u Kaknju, na osnovu člana 26. Zakona o prostornom uređenju („Službene novine Zeničko-dobojskog kantona“ broj: 2/04 i 2/08) i člana 24. Statuta Općine

Kakanj („Službene novine Općine Kakanj“, broj: 4/08), **donosi**

O D L U K U o izmjeni Odluke o provođenju Regulacionog plana „Centar Kakanj“ u Kaknju

Član 1.

Mijenja se član 7. Odluke o provođenju Regulacionog plana „Centar Kakanj“ u Kaknju („Službene novine Općine Kakanj“, broj: 2/2006), u tački d) spratnost objekta, na način da se iza riječi: „suterena i potkrovlja“ dodaju riječi: „odnosno sprata“.

Član 2.

U ostalom dijelu Odluka ostaje neizmijenjena.

Član 3.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

PREDSJEDAVALAČI OPĆINSKOG VIJEĆA

Ivica Petrović, s.r

65.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-101/10

Kakanj, 31.05.2010. godine

Općinsko vijeće na svojoj 20. sjednici, održanoj dana 31.05.2010.godine, u postupku izmjene Regulacionog plana „Centar“ u Kaknju, na osnovu člana 26. Zakona o prostornom uređenju („Službene novine Zeničko-dobojskog kantona“ broj: 2/04 i 2/08) i člana 24. Statuta Općine Kakanj („Službene novine Općine Kakanj“, broj: 4/08), donosi

O D L U K U
o pristupanju izmjeni Regulacionog
plana „Centar Kakanj“ u Kaknju

Član 1.

Pristupa se izmjeni Regulacionog plana „Centar Kakanj“ u Kaknju utvrđenom Odlukom o usvajanju od 28.03.2006. godine („Službene novine Općine Kakanj“, broj: 2/2006).

Član 2.

Površina zemljišta utvrđena Regulacionim planom „Centar“ je 42,43 ha, a granica obuhvata određena je u Odluci o provođenju Regulacionog plana „Centar-Kakanj“ iz 2006-te godine.

Član 3.

Izmjena Regulacionog plana „Centar Kakanj“ donosi se na period od pet godina.

Član 4.

Izmjene Regulacionog plana će se raditi u skladu sa Jedinstvenom metodologijom za izradu planske dokumentacije.

Član 5.

Nosiocac pripreme izmjene Regulacionog plana „Centar Kakanj“ u Kaknju je Služba za urbanizam, geodetske i imovinsko pravne poslove Općine Kakanj. Služba je dužna osigurati saradnju i usaglašavanje stavova svih relevantnih učesnika u planiranju predmetnog područja, pribaviti mišljenja i saglasnosti nadležnih organa i organizacija na koje ih zakon obavezuje, te u toku izrade plana staviti na raspolaganje nosiocu izrade plana svu raspoloživu dokumentaciju potrebnu za izradu plana, a naročito dokumentaciju plana šireg područja.

Član 6.

Rok izrade Nacrta izmjena Regulacionog plana „Centar Kakanj“ je tri mjeseca od završetka zakonske procedure izbora najpovoljnijeg ponuđača u svojstvu nosioca izrade plana.

Troškove izrade Izmjena Regulacionog plana snosi Općina Kakanj.

Član 7.

Nosilac izrade Izmjena Regulacionog plana dostavlja Nacrt plana u dovoljnom broju primjeraka za potrebe sprovođenja javne rasprave.

Javna rasprava počinje prezentacijom Nacrta plana na Općinskom vijeću.

Nakon javne rasprave, nosilac izrade plana priprema Prijedlog izmjena Regulacionog plana „Centar Kakanj“ i Odluku o njegovom provođenju.

Član 8.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA

Ivica Petrović, s.r

66.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 102/10

Kakanj, 31.05.2010.godine

Na osnovu člana 13.Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće, na svojoj 20. sjednici održanoj dana 31.05.2010.godine, donijelo je

O D L U K U

o davanju saglasnosti na Odluku o
izmjenama i dopunama Statuta
Javnog preduzeća „Vodokom“ d.o.o.
Kakanj

Član 1.

Općinsko vijeće Kakanj daje saglasnost Skupštini Javnog preduzeća „Vodokom“ d.o.o. Kakanj na Odluku o izmjenama i dopunama Statuta Javnog preduzeća

„Vodokom“ d.o.o. Kakanj (Odluka broj: 1518-1/10 od 08.04.2010. godine.

Član 2.

Saglasnost se daje u svrhu proširenja djelatnosti preduzeća.

Član 3.

Ova Odluka stupa na snagu danom donošenja, a naknadno će se objaviti u «Službenim novinama Općine Kakanj».

PREDSJEDAVALAČI OPĆINSKOG VIJEĆA

Ivica Petrović, s.r

67.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-104 /10

Kakanj, 31.05.2010.godine

Na temelju članka 9, 10, 18. i 25. Zakona o izbjeglicama iz BiH i raseljenim osobama u BiH („Službeni glasnik BiH“, broj: 23/99, 21/03, 33/03,), temeljem članka 14. i 24. Statuta Općine Kakanj („Službene novine Općine Kakanj“, broj: 4/08) i članka 33. stavak 3. Poslovnika o radu Općinskoga vijeća („Službene novine Općine Kakanj“, broj: 2/04 i 3/04) Općinsko vijeće, na svojoj 20. sjednici održanoj dana 31.05.2010.godine, donijelo je

O D L U K U

o formiranju privremenoga općinskoga Povjerenstva za prijavu, popis i evidentiranje povratnika

Članak 1.

Ovom Odlukom formira se privremeno općinsko Povjerenstvo za prijavu, popis i evidentiranje povratnika na prostor općine Kakanj.

Članak 2.

Povjerenstvo se sastoji od pet (5) članova i to:

1. predstavnik Službe za boračko invalidsku zaštitu, raseljena lica, izbjeglice i povratnike;
2. predstavnik Službe za poduzetništvo, društvene djelatnosti, eko zaštitu i inspeksijske poslove;
3. predstavnik Službe za opću upravu, lokalnu samoupravu, mjesne zajednice, stambene i zajedničke poslove;
4. predstavnik Općinskoga vijeća Kakanj i
5. predstavnik povratnika.

Članak 3.

Povjerenstvo iz prethodnog članka, rješenjem imenuje Općinski načelnik.

Članak 4.

Nadležnost Povjerenstva je da:

1. revidira postojeći popis povratnika u općini Kakanj;
2. revidira i dopuni popis uništenih i devastiranih stambenih objekata izbjeglih i raseljenih osoba na prostoru općine Kakanj sa popisom vlasnika;
3. u roku od 15 dana od dana stupanja na snagu ove odluke pripremi potrebite obrazce za raspisivanje javnog poziva;
4. raspiše javni poziv za prijavu izbjeglica i raseljenih osoba za povratak i obnovu, koji će biti višekratno emitiran putem elektroničnih i tiskanih medija;
5. sačini popis prijavljenih osoba i isti proslijedi općinskoj Službi za boračko invalidsku zaštitu, raseljena lica, izbjeglice i povratnike, koji će dalje postupati sukladno pozitivnim zakonskim propisima;
6. po okončanju zadatka iz djelokruga rada, Općinskom vijeću dostavi cjelovito Izvješće o učinjenim aktivnostima za vrijeme mandata, koje će nakon toga biti

proslijeđeno nadležnim
 ministarstvima i Fondu za
 povratak;

Članak 5.

Povjerenstvo prestaje s radom 31. prosinca 2010. godine.

Članak 6.

Općinsko vijeće će po okončanju rada Povjerenstva razmatrati izvješće o radu, donijeti odgovarajuće zaključke i smjernice, te sukladno iskazanim potrebama odlučiti o eventualnom produženju rada Povjerenstva u narednom razdoblju.

Članak 7.

Sredstva za financiranje rada Povjerenstva se osiguravaju iz Proračuna Općine Kakanj.

Članak 8.

Ova Odluka stupa na snagu osam dana nakon objave u «Službenim novinama Općine Kakanj».

PREDSJEDATELJ OPĆINSKOGA VIJEĆA

Ivica Petrović, s.r

68.

BOSNA I HERCEGOVINA
 FEDERACIJA BOSNE I HERCEGOVINE
 ZENIČKO-DOBOJSKI KANTON
 OPĆINA KAKANJ

Općinsko vijeće

Broj: 0-01/1- 105/10

Kakanj, 31.05.2010.godine

Na osnovu člana 13.Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće, na 20. sjednici održanoj dana 31.05.2010.godine, donijelo je

O D L U K U

o usvajanju Operativnog plana za realizaciju akcionog plana mjera za poboljšanje stanja okoliša

I

Ovom Odlukom, usvaja se Operativni plan za realizaciju akcionog plana mjera za poboljšanje stanja okoliša na području općine Kakanj, uz slijedeće primjedbe i sugestije:

- a) Redni broj: 17. Operativnog plana, u rubrici „Rok“, riječi: „po usvajanju Operativnog plana“ zamjenjuju se riječima: „Stalna aktivnost navedenih subjekata“,
- b) Redni broj: 25. i 41. Operativnog plana, u rubrici „Zahtjevana aktivnost“ da se naznači koliko Tvornica cementa izdvaja finansijskih sredstava za navedene mjesne zajednice,
- c) Redni broj: 88. Operativnog plana, u rubrici „Zaključak OV“ mijenja se i glasi:

„Općinsko vijeće zahtijeva od RMU, Hidrogradnje i TC Kakanj da vrše sanaciju i rekultivaciju zemljišta na kojem su završili eksploataciju sirovina“.

U rubrici „Nosilac aktivnosti“, zadužuju se RMU, Hidrogradnja, TC Kakanj i Općina Kakanj.

II

Sastavni dio ove Odluke je Operativni plan za realizaciju akcionog plana mjera za poboljšanje stanja okoliša na području općine Kakanj sa usvojenim primjedbama i sugestijama.

III

Ova Odluka stupa na snagu danom donošenja, a naknadno će se objaviti u «Službenim novinama Općine Kakanj».

PREDSJEDAVALAČI OPĆINSKOG VIJEĆA

Ivica Petrović, s.r

69.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 106/10

Kakanj, 31.05.2010.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće, na 20. sjednici održanoj dana 31.05.2010.godine, donijelo je

O D L U K U
o usvajanju Izvještaja o
istraživanju potreba mladih
sa područja općine Kakanj

I

Ovom Odlukom, usvaja se Izvještaj o istraživanju potreba mladih sa područja općine Kakanj.

II

Sastavni dio ove Odluke je Izvještaj o istraživanju potreba mladih kojeg je izradila Služba za poduzetništvo, društvene djelatnosti, eko zaštitu i inspekcijske poslove u saradnji sa Njemačkim društvom za tehničku saradnju – GTZ.

III

Ova Odluka stupa na snagu danom donošenja, a naknadno će se objaviti u «Službenim novinama Općine Kakanj».

PREDSJEDAVAJUĆI
OPĆINSKOG VIJEĆA

Ivica Petrović, s.r

70.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 108/10

Kakanj, 31.05.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 27. Zakona o ustanovama („Službeni list R BiH“ broj: 6/92 i 13/94), Općinsko vijeće na 20. sjednici održanoj 31.05.2010.godine, **donijelo je**

O D L U K U
o usvajanju Plana i programa rada
JU Centar za socijalni rad Kakanj za
2010. godinu

I

Ovom Odlukom, usvaja se Plan i program rada Javne ustanove Centar za socijalni rad Kakanj sa Finansijskim planom za 2010. godinu.

II

Sastavni dio ove Odluke je Plan i program rada Javne ustanove Centar za socijalni rad Kakanj sa Finansijskim planom za 2010. godinu.

III

Ova Odluka stupa na snagu danom donošenja, a objavit će se u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA

Ivica Petrović, s.r

71.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 109/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 27. Zakona o ustanovama („Službeni list R BiH“, broj: 6/92 i 13/94), Općinsko vijeće na 20. sjednici održanoj 31.05.2010. godine, **donijelo je**

O D L U K U
o usvajanju Izvještaja o radu
JU „Gradska biblioteka“ Kakanj za 2009.
godinu

I

Ovom Odlukom usvaja se Izvještaj o radu Javne ustanove „Gradska biblioteka“ Kakanj za 2009. godinu sa Izvještajem o finansijskom poslovanju za period 01.01-31.12.2009. godine.

II

Sastavni dio ove Odluke je Izvještaj o radu Javne ustanove „Gradska biblioteka“ Kakanj za 2009. godinu sa Izvještajem o finansijskom poslovanju za period 01.01-31.12.2009. godine.

III

Ova Odluka stupa na snagu danom donošenja a objavit će se u „Službenim novinama Općine Kakanj“.

PREDSJEDAVAJUĆI OPĆINSKOG VIJEĆA

Ivica Petrović, s.r

72.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 110/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 27. Zakona o ustanovama („Službeni list R BiH“ broj: 6/92 i 13/94), Općinsko vijeće na 20. sjednici održanoj 31.05.2010.godine, **donijelo je**

O D L U K U

o usvajanju Plana rada i razvoja JU Dom zdravlja sa poliklinikom Kakanj za 2010. godinu

I

Ovom Odlukom, usvaja se Plana rada i razvoja Javne ustanove Dom zdravlja sa poliklinikom Kakanj sa Finansijskim planom poslovanja za 2010. godinu.

II

Sastavni dio ove Odluke je Plana rada i razvoja JU Dom zdravlja sa poliklinikom Kakanj sa Finansijskim planom poslovanja za 2010. godinu

II

Ova Odluka stupa na snagu danom donošenja, a objavit će se u „Službenim novinama Općine Kakanj“.

PREDSJEDAVAJUĆI OPĆINSKOG VIJEĆA

Ivica Petrović, s.r

73.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA KAKANJ

Općinsko vijeće

Broj: 0-01/1- 111/10

Kakanj, 31.05.2010.godine

Na osnovu člana 8. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 20. sjednici održanoj 31.05.2010. godine, donijelo je

O D L U K U

o usvajanju Izvještaja o zdravstvenom stanju stanovništva općine Kakanj u 2009. godine

I

Ovom Odlukom usvaja se Izvještaj Javne ustanove Dom zdravlja sa poliklinikom Kakanj o zdravstvenom stanju stanovništva općine Kakanj i Izvještaj o epidemijama u 2009. godini.

II

Sastavni dio ove Odluke je Izvještaj o zdravstvenom stanju stanovništva općine Kakanj i Izvještaj o epidemijama u 2009. godini.

III

Ova Odluka stupa na snagu danom donošenja a objavit će se u „Službenim novinama Općine Kakanj“.

PREDSJEDAVAJUĆI OPĆINSKOG VIJEĆA

Ivica Petrović, s.r

74.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 97/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“, broj 4/08), te člana 39. Odluke o izvršavanju Budžeta Općine Kakanj za 2010. godinu („Službene novine Općine Kakanj“, broj broj: 3/10), Općinsko vijeće na 20. sjednici održanoj 31.05.2010.godine, usvojilo je

PROGRAM**utroška sredstava od cestovnih naknada****I**

Planirana sredstva Budžetom Općine Kakanj za 2010. godinu u okviru razdjela 11, ekonomskog koda 613 700 - pozicije „Održavanje cesta, mostova, vodovoda po programu cestarina“ – u iznosu od 530.000,00 KM, raspoređuje se prema sljedećim namjenama:

1. Zimsko održavanje putnih pravaca
320.000,00 KM

2. Ljetno održavanje i sanacija puteva sa ugradnjom vertikalne saobraćajne signalizacije 210.000,00 KM

i iste se raspoređuju na:

R br	Naziv projekta	Vrijednost KM
1.	Sufinansiranje prijelaza puta preko željezničke pruge na području Općine	10.000,00
2.	Sanacija puta na Vardi, od Romskog naselja prema Gornjoj Vardi	12.000,00
3.	Sanacija puta za Zagulje, MZ Pope	8.000,00
4.	Sanacija puteva u MZ Povezice	10.000,00
5.	Sufinansiranje puta za Poprženu Goru u MZ Podgora	15.000,00
6.	Postavljanje i održavanje vertikalne signalizacije	5.000,00
7.	Hitne intervencije	19.000,00
8.	Projektovanje i nadzor	10.000,00
9.	Nastavak rekonstrukcije puta u Podborju	30.000,00
10.	Sufinansiranje u izgradnji puta za Poljane, za održivi povratak	50.000,00
11.	Sanacija puta za Varaliče	20.000,00
12.	Sanacija i asfaltiranje puta u Romskom naselju Varda	10.000,00
13.	Sanacija puta u Bilješevu od O.Š. do mosta na Bosni	5.000,00
14.	Asfaltiranje puta od Autobuske stanice do Hausovića	6.000,00
UKUPNO II :		210.000,00
UKUPNO I + II		530.000,00

III

Realizacija navedenih projekata vršit će se na osnovu prezentirane projektne dokumentacije i provedene procedure po Zakonu o javnim nabavkama. Prednost u implementaciji će imati oni projekti za koje građani obezbijede i dio svog novčanog učešća.

IV

O realizaciji utroška sredstava po ovom Programu, nadležne službe za upravu su obavezne podnositi izvještaj Općinskom vijeću.

V

Ukoliko mještani iz bilo kojih razloga ometaju ili spriječe realizaciju projekta, Služba nije obavezna isti realizovati do kraja a sredstva će preusmjeriti na drugi projekat koji Služba odabere a iz istog Programa.

VI

Ovaj program stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

75.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1- 98/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“, broj 4/08), te člana 39. Odluke o izvršavanju Budžeta Općine Kakanj za 2010. godinu („Službene novine Općine Kakanj“, broj broj: 3/10), Općinsko vijeće na 20. sjednici održanoj 31.05.2010.godine, **usvojilo je**

PROGRAM**utroška sredstava od koncesija****I**

Planirana sredstva Budžetom Općine Kakanj za 2010. godinu u okviru razdjela 11, ekonomskog koda 613 700 - pozicije „Održavanje cesta, mostova, vodovoda po programu koncesija“ – u iznosu od 410.000,00 KM, raspoređuje se prema sljedećim namjenama:

1. Ugovoreni a neizvršeni projekti iz Programa utroška sredstava od koncesija za 2009. godinu

R. br	Naziv projekta	Potrebna sredstva za realizaciju po Ugovoru (KM)
1.	Proširenja asfaltnog zastora u MZ Doboje (Begiči-Koridor Vc)	7.998,40
2.	Sanacija puta na Vardi, od Romskog naselja prema Gornjoj Vardi	8.958,50
3.	Regulacija potoka u MZ Zgošća	14.396,62
4.	Izgradnja igrališta za djecu u sklopu parka „Fontane“ u MZ Doboje	10.191,63
5.	Izgradnja javne česme u MZ Doboje	4.670,29
6.	Izgradnja kanalizacije Bijele Vode	7.500,00
7.	Izgradnja rezervoara za vodu „Kamen“	5.000,00
8.	Izgradnja kanalizacije u Pedićima, Lazama i Jarevicama	15.000,00
9.	Izgradnja vodovoda Hodžići	15.000,00
10.	Nastavak izgradnje vodovoda u MZ Doboje III	25.000,00
11.	Izrada glavnog projekta Sahat kule u Kaknju	7.000,00
12.	Interventni radovi na putevima	8.896,00
13.	Anex ugovora za izradu projektne dokumentacije za Dom i Ambulantu Krševac	4.000,00
14.	Izmirenje duga prema firmi „Termorad“ d.o.o. za radove na izgradnji toplifikacije u Kaknju II	28.717,93
15.	Nadzor nad izvođenjem radova na Uređenju desne obale rijeke Bosne u Kaknju (ušće Zgošće-Cementarin most)	6.000,00
16.	Nabavka materijala za završetak izgradnje vodovoda u Donjoj Sopotnici	2.500,00
17.	Radovi na izgradnji tribina na stadionu „Rudar“ u Kaknju	50.000,00
18.	Učešće u sufinansiranju GAP-a za ambulantu u Doboju	22.000,00
	UKUPNO I:	242.829,37

2. Prijedlog projekata za realizaciju u 2010.godinu

R br	Naziv projekta	Predračunska vrijednost (KM)
1.	Izgradnja vodovoda za Područnu školu Dubovo Brdo	6.000,00
2.	Nastavak izgradnje vodovoda, Gornje Selo u Dumancu	15.000,00
3.	Nabavka materijala za uređenje mjesnog greblja Romskog naselja Varda	1.800,00
4.	Projektovanje i nadzor	5.000,00
5.	Hitne intervencije	5.370,63
6.	Sanacija puta Dom – Podpedići u MZ Brnjic	40.000,00
7.	Izgradnja školskog igrališta u Krševcu	8.000,00
8.	Asfaltiranje dječijeg igrališta u Sopotnici	15.000,00
9.	Sanacija puta Kruške u MZ Kraljeva Sutjeska	20.000,00
10.	Sanacija ulice Omera Maslića u MZ Kakanj II	15.000,00
11.	Sanacija puta od kuće Miloša Josipa niz prugu u MZ Bjelavići	7.000,00
12.	Asfaltiranje puta za zaseok Bašiči u MZ Tršće	6.000,00
13.	Asfaltiranje sportskog poligona u MZ Modrinje	10.000,00
14.	Sanacija i asfaltiranje puta u MZ Varda (cesta ispod igrališta)	5.000,00
15.	Nastavak izgradnje vodovoda Seoce (Vrutak)	8.000,00
	UKUPNO II:	167.170,63
	UKUPNO I+II :	410.000,00

II

Realizacija navedenih projekata vršit će se na osnovu prezentirane projektne dokumentacije i provedene procedure po Zakonu o javnim nabavkama.

Prednost u implementaciji će imati oni projekti za koje građani obezbijede i dio svog novčanog učešća i prilože dokaze o riješenim imovinsko-pravnim odnosima, što će uvjetovati raspisivanje tenderskog poziva. Sredstva predviđena za sanaciju i izgradnju komunalne infrastrukture (vodovodi i kanalizacija) realizovat će se u

skladu sa Zakonom o komunalnim djelatnostima.

III

O realizaciji utroška sredstava po ovom Programu, nadležne službe za upravu su obavezne podnositi izvještaj Općinskom vijeću.

IV

Obaveza Mjesnih zajednica je da održavaju putne pravce u smislu obezbjeđenja funkcionisanja elemenata puta vezanih za odvodnju puta (odvodni kanali i propusti), kao i pojava manjih odrona na putevima, te odstranjivanja šiblja radi preglednosti puta.

V

Ukoliko mještani iz bilo kojih razloga ometaju ili spriječe realizaciju projekta, Služba nije obavezna isti realizovati do kraja a sredstva će preusmjeriti na drugi projekat koji Služba odabere a iz istog Programa.

VI

Ovaj Program stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

76.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: 0-01/1- 99/10

Kakanj, 31.05.2010.godine

Na osnovu člana 24. Statuta Općine Kakanj («Službene novine Općine Kakanj» broj: 4/08) i člana 31. Odluke o izvršavanju Budžeta Općine za 2010.godinu („Službene novine Općine Kakanj“ broj: 3/10), Općinsko

vijeće na 20. sjednici održanoj dana 31.05.2010.godine, usvojilo je

PROGRAM
rasporeda sredstava za sport za 2010.
godinu

I

Planirana sredstva Budžetom Općine Kakanj za 2010.godinu u okviru razdjela 11, ekonomski kod 614 300 pozicija „Transfer sportskim klubovima“, u ukupnom iznosu od 310.000,00 KM, raspoređuju se

R. br.	NAZIV SPORTSKOG KLUBA	Plan 2010.
1.	Fudbalski klub „Rudar“	74.000,00 KM
2.	Odbojkaški klub „Kakanj“	66.000,00 KM
3.	Košarkaški klub „Kakanj“	60.000,00 KM
4.	Rukometni klub „Kakanj“	18.000,00 KM
5.	Fudbalski klub „Mladost“, sa omladinskom akademijom	35.000,00 KM
6.	Taekwando klub „Nur“	2.500,00 KM
7.	Karate klub „Nara“	3.000,00 KM
8.	Kuglaški klub	10.000,00 KM
9.	Plivački klub „Sopot“	1.000,00 KM
10.	Ski-klub „Kakanj“	1.000,00 KM
11.	Šahovski klub „Rudar“	1.000,00 KM
12.	Planinarsko društvo „Bobovac“	1.000,00 KM
13.	Sportsko društvo „RVI 92 Kakanj“	10.500,00 KM
14.	Sportsko ribolovno društvo „Bistro“	3.000,00 KM
15.	Sportski savez	4.500,00 KM
16.	Karate klub „Sakib Bitić“	2.500,00 KM
17.	Kick boks „Fight“	1.000,00 KM
18.	Sportski bilijar klub „Devetka“	500,00 KM
19.	Društvo pedagoga	5.500,00 KM
20.	Džudo klub „Kakanj“	1.000,00 KM
21.	Sredstva za uspješne sportiste	3.000,00 KM
22.	Sredstva za posebne programe	4.000,00 KM
23.	Rezervna sredstva	2.000,00 KM
	UKUPNO	310.000,00KM

II

Programom predviđena sredstva iz tačke I koristit će se prvenstveno za plaćanje režijskih troškova, zakupnine sportske dvorane i ostalih objekata za treninge i utakmice, nabavke opreme, učešća na sportskim takmičenjima, za što će korisnici sredstava Službi za poduzetništvo, društvene djelatnosti, eko zaštitu i inspeksijske poslove dostaviti vjerodostojnu knjigovodstvenu dokumentaciju i pravdati

utrošak sredstava najmanje jednom u tri mjeseca.

III

Budžetski korisnici koji nisu podnijeli Izvještaj za prethodnu godinu, nakon objave ovog Programa u „Službenim novinama Općine Kakanj“, nisu uvršteni u program rasporeda sredstava za sport.

IV

Ukoliko prihod Budžeta ne bude na planiranom nivou, transfer sredstava će biti umanjen za procenat izvršenja prihoda o čemu će Služba za finansije sačinjavati informaciju Općinskom vijeću.

V

Ovaj Program stupa na snagu danom donošenja, a objavit će se u „Službenim novinama Općine Kakanj“.

PREDSJEDAVALAČI
OPĆINSKOG VIJEĆA

Ivica Petrović, s.r

77.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinski načelnik
Broj: 0-02/1-2009/10
Kakanj, 11.06.2010.godine

Na osnovu člana 38. i 118. Statuta Općine Kakanj („Službene novine Općine Kakanj”, broj: 4/08), te člana 2. i 3. Zakona o rasljenim licima i povratnicima („Službene novine Zeničko-dobojskog kantona“, broj: 6/06 i 10/08), Općinski načelnik, d o n o s i

K R I T E R I J E

**o dodjeli jednokratnih novčanih pomoći
raseljenim osobama i povratnicima
iz Budžeta Općine Kakanj**

I OSNOVNE ODREDBE

Član 1.

Ovim kriterijima utvrđuju se uslovi i postupak za ostvarivanje dodjele jednokratnih novčanih pomoći raseljenim licima i povratnicima iz Budžeta Općine, ekonomski kod 614200 sa pozicije GRANTOVI POJEDINCIMA.

Član 2.

Raseljene osobe i povratnici koje ispunjavaju uslove po ovim kriterijima su osobe čiji je status utvrđen na osnovu člana 2. i 3. Zakona o raseljenim licima i povratnicima („Službene novine Zeničko-dobojskog kantona“, broj: 6/06 i 10/08), a mjesto boravišta i prebivališta je na području općine Kakanj.

II OBLICI ZAŠTITE RASELJENIH LICA I POVRATNIKA

Član 3.

Oblici zaštite raseljenih osoba i povratnika i članova njihovih porodica su:

1. Jednokratna novčana pomoć,
2. Novčana pomoć u slučaju smrti nosioca ili člana domaćinstva,
3. Novčana pomoć za preseljenje i duže liječenje nosioca ili člana domaćinstva,
4. Prehrambeni paket.

Užim članom domaćinstva, u smislu ovog člana smatraju se bračni partner, roditelji ili staratelji i djeca.

Član 4.

Sredstva za novčane pomoći obezbjeđuju se Budžetom Općine, a prehrambene pakete obezbjeđuje nadležno Ministarstvo Zeničko-dobojskog kantona.

Član 5.

Pravo na pojedine oblike novčanih pomoći mogu ostvariti raseljena lica i povratnici pod sljedećim uslovima:

- da imaju ostvaren status raseljene osobe ili povratnika na području općine Kakanj,
- da nisu u radnom odnosu, kako u Kakanju tako i van Kakanja,
- da se ne bave samostalnom ili drugom djelatnošću,
- da nisu korisnici penzije kao ni prava po Zakonu o pravima branilaca i članova njihovih porodica.

Član 6.

Jednokratna novčana pomoć iz člana 3. tačka 1. može se ostvariti najviše četiri puta u toku kalendarske godine, odnosno kvartalno.

Član 7.

Izuzetno od prethodne odredbe člana 5., u obzir mogu doći raseljena lica i povratnici ili njihovi članovi domaćinstva bez obzira na prihode ako dođu u teško materijano stanje zbog teške bolesti, smrtnog slučaja, tjelesnog oštećenja nesretnim slučajem i sl.

III IZNOSI NOVČANIH POMOĆI

Član 8.

Jednokratna novčana pomoć u iznosu do 70,00 KM dodjeljuje se u slučaju opravdanog nastalog duga za režijske troškove, stanarinu, el. energiju, vodu, grijanje, te nedostatak sredstava za nabavku hrane, školski pribor, za troškove liječenja i za iznenadne nesretne slučajeve u porodici.

Član 9.

Novčanu pomoć u slučaju smrti nosioca ili člana domaćinstva u iznosu do 130,00 KM dodjeljuje se onim kategorijama koje ispunjavaju uslove iz člana 5. ovih Kriterija.

Član 10.

Novčanu pomoć za preseljenje iz člana 3. u iznosu do 70,00 KM ako je došlo do deložacije na području općine, a za preseljenje odnosno povratak u matičnu općinu, u iznosu od 150,00 KM.

Član 11.

Prehrambeni paket mogu dobiti raseljene osobe i povratnici ukoliko ispunjavaju uslove iz člana 5. ovih Kriterija.

V OSTVARIVANJE PRAVA

Član 12.

Lica iz člana 2. ovih Kriterija mogu ostvariti navedene vidove novčane pomoći ili prehrambeni paket, ukoliko te pomoći ne mogu ostvariti po nekom drugom osnovu.

Član 13.

O pravima po ovim Kriterijima rješava nadležna Služba za boračko-invalidsku zaštitu, raseljena lica, izbjeglice i povratnike, Odsjek za raseljena lica, izbjeglice i povratnike, a u slučaju spornih pitanja konačnu odluku donosi Načelnik općine na traženje službe ili stranke.

Član 14.

Zahtjev za pomoć podnosi se Službi za boračko-invalidsku zaštitu, raseljena lica, izbjeglice i povratnike, Odsjek za raseljena lica, izbjeglice i povratnike, koja je dužna isti razmotriti, utvrditi kompletnost podnesene dokumentacije, zahtijevati otklanjanje uočenih nedostataka, tražiti eventualnu dopunu dokumentacije, izvršiti potrebne provjere, utvrditi opravdanost zahtjeva, te shodno utvrđenom, donijeti rješenje o odobravanju novčane pomoći ili odbijanje zahtjeva.

Član 15.

Rješenje o odobravanju novčane pomoći, potpisuje Pomoćnik općinskog načelnika Službe za boračko-invalidsku zaštitu, raseljena lica, izbjeglice i povratnike, a

zaključak o isplati navedene pomoći potpisuje Općinski načelnik.

Član 16.

Služba za boračko-invalidsku zaštitu, raseljena lica, izbjeglice i povratnike, dužna je voditi evidenciju o dodijeljenim sredstvima po osnovu novčanih pomoći utvrđenih ovim Kriterijima.

Član 17.

Po žalbama podnesenim protiv rješenja kojima se odlučivalo po ovim Kriterijima, rješava Drugostepena komisija za žalbe Općinskog vijeća.

VI ZAVRŠNE ODREDBE

Član 18.

Stupanjem na snagu ovih Kriterija, stavljaju se van snage Kriteriji broj: 0-02/2-1015/05 od 15.06.2005. godine.

OPĆINSKI NAČELNIK
Mensur Jašarspahić – Suri,s.r

78.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće
Broj: 0-01/1-117/10
Kakanj, 31.05.2010.godine

Na osnovu člana 24. i 30. Statuta Općine Kakanj („Službene novine Općine Kakanj“ broj: 4/08) i člana 33. Poslovnika o radu Općinskog vijeća („Službene novine Općine Kakanj“, broj: 2/04 i 3/04), Općinsko vijeće na 20. sjednici održanoj dana 31.05.2010.godine, donijelo je

RJEŠENJE
o imenovanju članova u privremenu
Komisiju za prijavu, popis i evidentiranje
povratnika

I

U privremenu općinsku Komisiju za prijavu, popis i evidentiranje povratnika imenuju se:

- a) Petrović Ivica, predstavnik Općinskog vijeća
- b) Kovačević Ivo, predstavnik povratnika.

II

Rješenje o konačnom imenovanju Komisije donijet će Općinski načelnik u skladu sa članom 2. Odluke o formiranju privremene Komisije za prijavu, popis i evidentiranje povratnika broj: 0-01/1-104/10 od 31.05.2010. godine.

III

Ovo Rješenje stupa na snagu danom donošenja a objavit će se u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

79.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-112/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“ broj: 4/08) i člana 19. Odluke o osnivanju JP za upravljanje i korištenje sportskih objekata „Kakanj-sport“ d.o.o. Kakanj („Službene novine Općine Kakanj“ broj: 1/08), Općinsko vijeće, na 20. sjednici održanoj dana 31.05.2010. godine, d o n i j e l o j e

RJEŠENJE

**o razrješenju Mijač Marina, člana
Skupštine JP „Kakanj-sport“ d.o.o.
Kakanj**

I

MIJAČ MARIN, razrješava se sa dužnosti člana Skupštine Javnog preduzeća za

upravljanje i korištenje sportskih objekata Kakanj-sport“ d.o.o. Kakanj.

II

Ovo Rješenje stupa na snagu danom donošenja a objavit će se u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

80.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-113/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“ broj: 4/08) i člana 19. Odluke o osnivanju JP za upravljanje i korištenje sportskih objekata „Kakanj-sport“ d.o.o. Kakanj („Službene novine Općine Kakanj“ broj: 1/08), Općinsko vijeće, na 20. sjednici održanoj dana 31.05.2010. godine, d o n i j e l o j e

RJEŠENJE

**o imenovanju Ibrahimspahić Adnana za
člana Skupštine JP „Kakanj-sport“ d.o.o.
Kakanj**

I

IBRAHIMSPAHIĆ ADNAN, imenuje se za člana Skupštine Javnog preduzeća za upravljanje i korištenje sportskih objekata Kakanj-sport“ d.o.o. Kakanj, na period do isteka mandata članova Skupštine imenovanih Odlukom Općinskog vijeća broj:0-01/1-30/09 od 30.01.2009. godine.

II

Ovo Rješenje stupa na snagu danom donošenja a objavit će se u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

81.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-103/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 98. Poslovnika o radu Općinskog vijeća („Službene novine Općine Kakanj“, broj: 2/04 i 3/04), Općinsko vijeće razmatrajući Prijedlog odluke o davanju saglasnosti na Odluku Nadzornog odbora JP „Vodokom“ d.o.o. Kakanj o izmjenama i dopunama cjenovnika usluga parkiranja vozila, na 20. sjednici održanoj 31.05.2010. godine, donijelo je s l i j e d e ć i:

Z a k l j u č a k

1. Prijedlog odluke o davanju saglasnosti na Odluku Nadzornog odbora JP „Vodokom“ d.o.o. Kakanj o izmjenama i dopunama cjenovnika usluga parkiranja vozila utvrđuje se u formi Nacrta odluke i isti upućuje na javnu raspravu.
2. Rok javne rasprave se utvrđuje u trajanju od 20 dana.
3. Za nosioca aktivnosti javne rasprave određuje se Nadzorni odbor JP „Vodokom“ d.o.o. Kakanj.
4. Sudionici u postupku javne rasprave: predsjednici Klubova političkih partija koje participiraju u Vijeću, odnosno članovi Kolegija Općinskog vijeća i drugi zainteresirani subjekti, svoje primjedbe, mišljenja i sugestije mogu dostaviti u roku utvrđenom u tački 2. ovog Zaključka Nadzornom odboru JP „Vodokom“ d.o.o. Kakanj.
5. Zadužuje se Nadzorni odbor JP „Vodokom“ d.o.o. Kakanj da,

prilikom izrade Prijedloga odluke o davanju saglasnosti o izmjenama i dopunama cjenovnika usluga parkiranja vozila, uzme u razmatranje sve primjedbe, mišljenja i sugestije dostavljene u periodu javne rasprave kao i primjedbe iznesene u toku rasprave na 20. sjednici Općinskog vijeća.

6. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

82.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-96/10

Kakanj, 31.05.2010.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće, uz Odluku o prioritetnim programima i projektima mjesnih zajednica iz okruženja „Termoelektrane“ Kakanj, na 20. sjednici održanoj 31.05.2010. godine, donijelo je slijedeće:

Z a k l j u č k e

1. Da pružanje komunalnih usluga snabdijevanja pitkom vodom i prikupljanja i odvoza komunalnog otpada za potrebe JP „Elektroprivreda BiH“ – Termoelektrana „Kakanj“, prvenstveno vrši javno prduzeće čiji je osnivač Općina Kakanj.
2. Da se projekti iz Odluke o prioritetnim programima i projektima mjesnih zajednica iz okruženja „Termoelektrane“ Kakanj implementiraju u skladu sa Zakonom o komunalnim djelatnostima ZE-DO kantona.

3. Da JP „Elektroprivrda BiH“ prezentira Općinskom vijeću svoje razvojne planove i buduće investicije na području općine Kakanj.
4. Ovi Zaključci stupaju na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

83.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-96/10

Kakanj, 31.05.2010.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće, na 20. sjednici održanoj dana 31.05.2010. godine, uz Odluku o usvajanju Izvještaja o istraživanju potreba mladih sa područja općine Kakanj, donijelo je sljedeće:

Z a k l j u č k e

1. Da se, u skladu sa usvojenim Izvještajem o istraživanju potreba mladih sa područja općine Kakanj, pristupi izradi „Strategije za mlade općine Kakanj“,
2. Za nosioca izrade „Strategije za mlade općine Kakanj“ formirat će se radna grupa koju će posebnim rješenjem imenovati Općinski načelnik,
3. Radna grupa će se sastojati od:
 - predstavnika Općine (predstavnik Općinskog vijeća, predstavnik Komisije za mlade i eko zaštitu, Savjetodavnog odbora mladih, Odsjeka za društvene djelatnosti i dr.),

- predstavnika JU Centar za socijalni rad,
- predstavnika JU Dom zdravlja sa poliklinikom ,
- predstavnika JU zavoda za zapošljavanje,
- predstavnika obrazovnih ustanova
- predstavnika Ministarstva unutrašnjih poslova,
- predstavnika lokalnih medija,
- predstavnika omladinskih nevladinih organizacija,
- predstavnika kulturno-sportskih organizacija,
- predstavnika vjerskih zajednica i dr.

4. Za predstavnika Općinskog vijeća, za člana Radne grupe se imenuje Delić Adem, vijećnik,
5. O potrebnim finansijskim sredstvima za izadu „Strategije za mlade općine Kakanj“, Općinsko vijeće će odlučiti posebnim zaključkom,
6. Ovi zaključci su sastavni dio Odluke o usvajanju Izvještaja o istraživanju potreba mladih sa područja općine Kakanj.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

84.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-126/10

Kakanj, 31.05.2010.godine

Na osnovu člana 8. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće, na 20. sjednici održanoj dana 31.05.2010. godine usvojilo je

I z v j e š t a j
o zdravstvenom stanju stanovništva
općine Kakanj i izvještaj o epidemijama u
2009. godini

uz sljedeći:

Z a k l j u č a k

1. Da se, polazeći od osnovnih pokazatelja usvojenog Izvještaja sačini cjelovita Analiza zdravstvenog stanja stanovništva općine Kakanj za 2009. godinu,
2. Za nosioca izrade Analize zdravstvenog stanja stanovništva određuje se JU Dom zdravlja sa poliklinikom Kakanj,
3. O potrebnim finansijskim sredstvima za izradu Analize Općinsko vijeće će odlučiti posebnim zaključkom,
4. Ovoj zaključak stupa na snagu danom donošenja a naknadno će se objaviti u „Službenim novinama općine Kakanj.“

PREDSJEDAVAJUĆI
OPĆINSKOG VIJEĆA

Ivica Petrović, s.r

85.

BOSNA I HERCEGOVINA
 FEDERACIJA BOSNE I HERCEGOVINE
 ZENIČKO-DOBOJSKI KANTON
 OPĆINA KAKANJ

Općinski načelnik

Broj: 0-02/1-1753/10

Kakanj, 03.06.2010.godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine FBiH, broj: 49/06), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj: 35/05), člana 38. i 118. Statuta Općine Kakanj („Službene novine Općine Kakanj“, broj: 4/08) i Naredbe Ministarstva zdravstva broj: 02-14-11176-1/10 od 14.05.2010.godine, Općinski načelnik, izdaje

N A R E D B U
o provođenju preventivne
sistematskederatizacije (proljetna faza)
na području Općine Kakanj za 2010.
godinu

I

Naređuje se provođenje preventivne (**proljetne faze**) sistematske deratizacije na području Općine Kakanj u periodu od 10.06.2010. do 20.06.2010. godine.

II

Sistematska deratizacija iz tačke jedan ove naredbe obuhvata:

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotokova u gradskim i prigradskim zonama,
3. Centralne deponije kao i nezvanična (neorganizovana) smetlišta u gradskim naseljima,
4. Vaspitno-obrazovni i kulturni objekti i njihovi prostori,
5. Kolektivni centri za smještaj i boravak izbjeglih i prognanih lica,
6. Objekti javnih zdravstvenih ustanova,
7. Javne ustanove administrativnog karaktera,
8. Individualne stambene zgrade u privatnom vlasništvu u užim zonama gradskih naselja,
9. Javni vodoopskrbni objekti,
10. Vjerski objekti i groblja,
11. Kanalizacione mreže sa šahtovima i izlivnim kolektorima,
12. Površine i prostori svih fizičkih, pravnih i ostalih lica uključujući sve uslužne djelatnosti,
13. Stacionirani objekti i sredstva javnog saobraćaja,
14. Objekti za proizvodnju i promet životnih namirnica i predmeta opšte upotrebe (korisnici i vlasnici istih),
15. Objekti za pružanje usluga javne higijene i
16. Zajednički prostori stambenih zgrada (podrumi i tavani),

Troškovi deratizacije pod rednim brojem 11, 12, 13, 14, 15 i 16 snose subjekti koji njima upravljaju.

III

Deratizaciju će organizovati i provesti, prema ovjerenom rasporedu, preduzeće "Sanitacija" d.o.o. Sarajevo.

IV

Subjekti koji podliježu provođenju preventivne sistematske deratizacije dužni su obezbjediti nesmetan rad ekipama izvođača bez obzira na parcijalne radove ili ugovore koje posjeduju.

VI

Nadzor i kontrolu provođenja akcije deratizacije vršit će po ovlaštenju općinski sanitarni inspektor–Buza Nizama.

VII

Ova naredba stupa na snagu danom donošenja, a objavit će se u „Službenim novinama Općine Kakanj“.

OPĆINSKI NAČELNIK
Mensur Jašarspahić – Suri, s.r

S A D R Ő A J**«SLUŐBENIH NOVINA OPĆINE KAKANJ» BROJ: 5/2010**

63. Oduka o prioritetnim programima i projektima mjesnih zajednica iz okruŐenja Termoelektrane „Kakanj“1
64. Odluka o izmjeni odluke o provođenju Regulacionog plana „Centar Kakanj“ u Kaknju3
65. Odluka o pristupanju izmjeni Regulacionog plana „Centar Kakanj“ u Kaknju3
66. Odluka o davanju saglasnosti na Odluku o izmjenama i dopunama Statuta Javnog preduzeća „Vodokom“ d.o.o. Kakanj4
67. Odluka o formiranju privremene općinske Komisije za prijavu, popis i evidentiranje povratnika5
68. Odluka o usvajanju Operativnog plana za realizaciju akcionog plana mjera za poboljšanje stanje okoliša6
69. Odluka o usvajanju Izvještaja o istraŐivanju potreba mladih sa podruĉja općine Kakanj7
70. Odluka o usvajanju Plana i programa rada JU Centar za socijalni rad Kakanj za 2010. godinu7
71. Odluka o usvajanju izvještaja o radu JU „Gradska biblioteka“ Kakanj za 2010.godinu7
72. Odluka o usvajanju Plana rada i razvoja JU Dom zdravlja sa poliklinikom Kakanj za 2010. godinu8
73. Odluka o usvajanju Izvještaja o zdravstvenom stanju stanovništva općine Kakanj u 2009. godini8
74. Program utroška sredstava od cestovnih naknada9
75. Program utroška sredstava od koncesija10
76. Program rasporeda sredstava za sport za 2010. godinu11
77. Kriteriji o dodjeli jednokratnih novĉanih pomoći raseljenim osobama i povratnicima iz Budžeta Općine Kakanj12
78. Rješenje o imenovanju ĉlanova u privremenu Komisiju za prijavu, popis i evidentiranje povratnika14
79. Rješenje o razrješenju Mijaĉ Marina, ĉlana Skupštine JP „Kakanj-sport“ d.o.o. Kakanj15
80. Rješenje o imenovanju Ibrahimspahić Adnana za ĉlana Skupštine JP „Kakanj-sport“ d.o.o. Kakanj15
81. Zakljuĉak uz Prijedlog odluke o davanju sglasnosti na Odluku Nadzornog odbora JP „Vodokom“ d.o.o. Kakanj o izmjenama i dopunama cjenovnika usluga parkiranja vozila16
82. Zakljuĉak uz Odluku o prioritetnim programima i projektima mjesnih zajednica iz okruŐenja „Termoelektrane“ Kakanj16
83. Zakljuĉak uz Odluku o usvajanju Izvještaja o istraŐivanju potreba mladih sa podruĉja općine Kakanj17
84. Zakljuĉak uz Izvještaj o zdravstvenom stanju stanovništva općine Kakanj i izvještaj o epidemijama u 2009. godini17
85. Naredba o provođenju preventivne sistematske deratizacije (proletna faza) na podruĉju općine Kakanj za 2010. godinu18